

հիշանք: Ասոնք էին նաև Թոմաս պատրիարքին հակա-  
ռակորդներն ու անոր մահուան պատճառները, և ա-  
սոնցմէ դարձեալ ծայր կուտայ Եղիազարեանց ու Թլլթը-  
լեանց հռչակաւոր վեհը պատրիարքական:

Տասն և հօթներորդ դարուն այդ մեծերուն մէջ է նաև  
ներհունն Երեմիա Չէլէպի Գէօմիւրճեան, բարեկամն  
Այնթապցի Եղիազար կաթողիկոսին, նօտար և զբաղէս  
ու մատենագիր մեծատունն՝ հրէց եղբայրը Տէր կոմիտա-  
սի՝ որ և նախ Սամաթիայի Ս. Գէորգ եկեղեցիին  
աւագ սարկաւազն էր, և վախճանեցաւ 60 տարեկան  
1695ին: Գրած է հինչ գիրք պատմութիւն Օսմանեան  
թագաւորութեան ընդարձակ, Գիրք մը՝ անոր համա-  
նօտութիւնը, միւս Գիրք մը ոտանաւոր՝ Յակոբ կաթո-  
ղիկոսի խնդիրովը, Աղեքսանդրի պատմութիւնը՝ նոյն-  
պէս ոտանաւոր. թարգմանած է Թուրքերէնի՝ Խորենա-  
ցիէն քաղուածներ. Կրած է՝ գերման դեսպանին խըն-  
գրելովը՝ պարսկական, ինչկական և Փոքր Ասիայի աշ-  
խարհագրութիւններ. Գիրք մը ընդդէմ Հրէից, Քարոզ-  
ների, ճառեր՝ հայերէն տաճկերէն. պատմութիւն Երու-  
սաղէմի, թարգմանած է Թուրքերէնի՝ Աւետարանն և  
ինչ ինչ կտորներ Հին կտակարանէն. թարգմանած է  
յունարէնէ ու լատիներէնէ գիրքեր. տպագրել տուած է  
իր հսկողութեամբն երկու հատոր Գիրք - Մնացորդք  
Յիսուս որդւոյ, և Տնօրինական տեղիք. գրած է ժա-  
մանակակից խնդիրներուն վրայ՝ ընդարձակ նամակներ  
ու կաթողիկոսս և պատրիարքունս, նաև յորդորա-  
կաններ, տեղեկագիրներ ու յիշատակարաններ վան-  
քերու վարչութեանց և արտունութեանց վրայ, ճանա-  
պարհորդած է Փոքր Ասիայի շատ քաղաքներն ու գիւ-  
ղերը, ինչպէս նաև՝ Պէրութ, Բերիա, Երուսաղէմ,  
Արմաշ, և այլն: Գրած է նաև ստուգութեամբ իր  
ժամանակին պատմութիւնը, որմէ Չամչեան առած է  
շատ բան. մենք շատ փնտռած ու հարցուցած ենք իր  
այս գործերն ու չենք գտած. նոյն իսկ ամէնէն բազ-  
մահմուտ անձերու քով և ամէնէն բազմահատոր մա-

1. Տէս Չամչեանն հատ. Գ: Եւ վարք Տ. կոմի-  
տասի, էջ 9-10: